



CONVENIO DE COLABORACIÓN ENTRE A ENTIDADE ESTATAL DE SEGUROS AGRARIOS E A CONSELLERÍA DO MEDIO RURAL DA XUNTA DE GALICIA PARA O INTERCAMBIO DE DATOS A EFECTOS DO CONTROL DE SUBVENCÍONS AOS SEGUROS AGRARIOS DOS BENEFICIARIOS DA SÚA COMUNIDADE AUTÓNOMA

MEMORIA XUSTIFICATIVA

O día 27 de abril de 2015 se publicou no BOE a resolución da Entidade Estatal de Seguros Agrarios pola que se publica o Convenio de Colaboración coa Comunidade Autónoma de Galicia, para a realización do control integral de acceso a subvencións aos seguros agrarios do beneficiarios da súa comunidade.

O Convenio de colaboración ten por obxecto definir os termos e as condicións de colaboración entre as partes para a realización do control integral de subvencións aos Seguros Agrarios (en diante CIAS) subscritos por beneficiarios da Comunidade Autónoma de Galicia, entendendo por tales aqueles interesados cuxa razón social, a efectos da póliza ou pólizas subscritas, atópese dentro do territorio da devandita Comunidade.

Para o cumprimento do convenio, ENESA comprométese a:

1. Proporcionar á Comunidade Autónoma a listaxe de DNI/NIF do seu ámbito para que proceda a cruzar os datos correspondentes.
2. Constituír a base de datos CIAS.
3. Aplicar os resultados de control obtidos da devandita base de datos a todas as pólizas que os interesados subscriban nesa Comunidade Autónoma.
4. Realizar os controis das subvencións aos seguros agrarios.
5. Ceder á Comunidade Autónoma os resultados dos devanditos controis, no seu ámbito xeográfico, no formato que resulte máis conveniente. ENESA proporcionará a información con carácter semestral, como moi tarde o 30 de xuño e o 31 de decembro do ano en curso.

ENESA será responsable da xestión dos datos persoais que as Comunidades Autónomas cedan para os propósitos do control de subvencións, comprometéndose a utilizar os devanditos datos unicamente para a realización deste proceso de control.





Para o cumprimento do convenio, a Comunidade Autónoma comprométese a proporcionar a ENESA os resultados dos cruces de información proporcionada por ENESA, relativa ás bases de datos que xestione no ámbito das súas competencias, en particular:

Socios de organizacións de produtores de froitas e hortalizas.

Agricultores novos.

Explotacións Prioritarias

Contratos territoriais de zona rural.

Socios de ADV/ADSV/ATRIA/API.

Produción integrada.

Produción ecolóxica.

O Convenio de colaboración terá efectos desde a data da súa firma e terá a duración de catro anos, podendo ser prorrogado previo acordo unánime de ambas partes por outro período de catro anos, salvo denuncia expresa en contrario dalgunha das partes presentada cun mes de antelación.

Por outra banda, o Real Decreto 425/2016, do 11 de novembro, polo que se establecen as bases reguladoras para a concesión de subvencións da Administración Xeral do Estado ao Seguro Agrario, recolle, nos seus artigos 16 e 17 e no anexo III, a constitución e forma de xestión da Base de Datos para o Control Integral de Acceso a Subvencións (CIAS) en ENESA. E máis concretamente, no 17.4, establécese que, co obxecto de mellorar o sistema de control de subvencións, ENESA poderá celebrar convenios de colaboración con las comunidades autónomas para o intercambio de información relativa a las pólizas contratadas.

Con data 12/05/2017 publicouse a ORDE do 03/05/2017 pola que se establecen as bases reguladoras das axudas para o fomento da contratación dos seguros agrarios na Comunidade Autónoma de Galicia e se convocan para o ano 2017.

No seu artigo 4.2. establécese que a contratación da póliza de seguro constitúe unha declaración do asegurado de que reúne os requisitos exixidos nas normas reguladoras sobre subvencións e axudas públicas, de acordo cos artigos 10 e 11 da Lei 9/2007, do 13 de xuño, de subvencións de Galicia.





No mesmo artigo, no seu segundo parágrafo, tamén se establece que, en aplicación da dita Lei 9/2007, do 13 de xuño, a contratación da póliza de seguro polo solicitante implica a autorización deste para que o órgano concedente obteña de forma directa a acreditación do cumprimento dos ditos requisitos a través de certificados telemáticos, salvo denegación expresa daquel.

Na propia Orde do 03/05/2017, en aplicación da Lei 9/2007, do 13 de xuño, de subvencións de Galicia, a contratación da póliza de seguro polo solicitante implica a autorización deste para que o órgano concedente obteña de forma directa a acreditación do cumprimento dos ditos requisitos a través de certificados telemáticos, salvo denegación expresa daquel. Para iso, segundo se recolle nos artigos 16 e 17.4 e no anexo III do Real decreto 425/2016, do 11 de novembro e no artigo 7.3 desta orde, a Consellería do Medio Rural establece un convenio de colaboración con Enesa para o intercambio da información da Base de datos de control integral de acceso a subvencións (CIAS).

Dada a publicación do Real Decreto 42/2016 no que se regula o Control Integral de Acceso a Subvencións e a indefinición no convenio asinado no ano 2014, que tiña unha duración inicial dun ano prorrogable e de interese desta Administración a sinatura dun novo convenio de duración de 4 anos para a xestión das axudas para o fomento da contratación dos seguros agrarios na nosa comunidade autónoma, propónse a celebración deste convenio.

A directora xeral de Gandaría, Agricultura e Industrias Agroalimentarias.
Belén María do Campo Piñeiro

